

Na osnovu člana 32. Zakona o javnim nabavkama Bosne i Hercegovine („Službeni glasnik BiH“ 39/14), a nakon provedenog otvorenog postupka nabavke roba: **LOT 2042 DIZEL BAS EN 590 EURO V**, za potrebe KJKP „GRAS“ d.o.o. Sarajevo, zaključuje se

## UGOVOR O KUPOPRODAJI ROBE LOT 2042 - DIZEL BAS EN 590 EURO V

Između :

1. **Kantonalno javno komunalno preduzeće „Gradski saobraćaj“ d.o.o.Sarajevo**, Sarajevo, ul. Srđana Aleksića br.1, ID broj: 4200055640002 , PDV broj: 200055640002, transakcijski račun broj: 1540012000237552, koga zastupa V.d. Generalni direktor Jakub Kubur, **s jedne strane / u daljem tekstu: Ugovorni organ/**
- i
2. **„GREEN OIL“ d.o.o. Sarajevo**, adresa: Marka Marulića 4, ID broj: 420085142006, PDV broj: 20085142006, transakcijski račun: 1410010012763037 kod Bosna Bank International d.d. Sarajevo, koga zastupa Direktor, Reko Muhović, s druge strane **(u daljem tekstu: Dobavljač).**

### I PREDMET UGOVORA O KUPOPRODAJI

#### Član 1.

Ovim Ugovorom o kupoprodaji ugovorene strane regulišu pitanja vezana za realizaciju nabavke robe: **LOT 2042 - DIZEL BAS EN 590 EURO V**.

#### Član 2.

Predmet ovog ugovora je nabavka roba: **LOT 2042-DIZEL BAS EN 590 EURO V** od dobavljača „GREEN OIL“ d.o.o. Sarajevo kojem je, na osnovu Ponude broj: 35-01/20, dodijeljen Ugovor o kupoprodaji Odlukom Ugovornog organa broj 04/156 od 16.03.2020. godine, postupak proveden po otvorenom postupku javne nabavke pokrenut Obavještenjem o nabavci broj: 257-1-1-295-3-253/19 na portalu Agencije za javne nabavke i u „Službenom Glasniku BiH“ broj: 1/20 od 10.01.2020. godine.

### II CIJENA, OBRAČUN, PLAĆANJE I GARANCIJA NA IZVRŠENJE UGOVORA

#### Član 3.

- (1) Dobavljač se obavezuje da će Ugovornom organu isporučiti robu iz Člana 1. ovog Ugovora, pod uslovima i kao što je naznačeno u prilogu ovog Ugovora, (Aneks 1, Aneks 2 i Aneks 3), koji čine njegov sastavni dio.
- (2) Vrijednost nabavke prema Rebalansu Plana nabavke roba, usluga i radova KJKP „GRAS“ d.o.o. za 2019. godinu iznosi **789.950,00 KM** bez PDV-a, odnosno **924.251,50 KM** sa uračunatim PDV-om.

- (3) Vrijednost nabavke po ovom Ugovoru za period od 3 /tri mjeseca) iznosi 555.555,00 KM bez PDV-a, odnosno 649.999,35 KM sa uračunatim PDV-om.
- (4) Jedinična cijena:
1. bez popusta i uračunatog PDV-a iznosi 2,0171 KM,
  2. sa popustom iznosi 1,5873 KM,
  3. sa popustom i uračunatim PDV-om koja je predmet ovog Ugovora iznosi 1,857141 KM, kao što je naznačeno u prilogu ovog Ugovora - Aneks 2 koji je sastavni dio sporazuma.
- (5) **Popust** u iznosu 0,4298 KM/litar, koji je Dobavljač iskazao na svaki litar goriva, DIZEL BAS EN 590 EURO V, je **nepromjenjiv i važeći je za cijelo vrijeme trajanja Ugovora o kupoprodaji.**
- (6) Plaćanje: žiralno, 60 dana od dana ispostavljanja fakture
- (7) Ugovor se zaključuje na period od 3 (tri) mjeseca od dana zaključenja ugovora, odnosno maksimalne finansijske vrijednosti ugovora navedene u stavu (2), a najkasnije do zaključivanja novog ugovora sa najpovoljnijim ponuđačem za naredni period.

#### Član 4.

Ugovor o kupoprodaji obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim ugovorom primjenjivat će se odgovarajuće odredbe Zakona o obligacionim odnosima.

#### Član 5.

- (1) Dobavljač je obavezan nakon potpisivanja ugovora u roku od 7 dana dostaviti безусловnu bankovnu garanciju naplativu na prvi poziv u iznosu od 10% vrijednosti ugovora.
- (2) **Ukoliko Dobavljač u vrijeme potpisivanja ugovora ne dostavi безусловnu bankovnu garanciju iz stava 1 ovog člana, a ugovor se potpiše, primjenjivat će se odredbe člana 125. Zakona o obligacionim odnosima.**

#### Član 6.

U okviru perioda važenja Ugovora o kupoprodaji koji je naveden u Članu 3. za pojedinačne nabavke neće se primjenjivati odredbe propisa kojima se uređuje postupak javne nabavke.

#### Član 7.

- (1) Cijene iz ovog Ugovora su promjenjive u toku važenja ugovora. Kod eventualne promjene cijene dobavljač se obavezuje da će ugovornom organu dostaviti original ili kopiju Obrasca o promjeni cijene (OPC obrazac), izdatog od nadležnog Ministarstva o važećoj cijeni DIZEL BAS EN 590 EURO V koje je predmet ove nabavke, a za ponuđače iz Republika Srpska i Brčko distrikt BiH Obavještenje o važećoj cijeni.
- (2) Obrazac o promjeni cijena (OPC obrazac) priložen u ponudi sa određenog prodajnog mjesta (lokacija pumpe) koji je izabrao ponuđač, u toku trajanja ugovora, mora biti sa istog prodajnog mjesta (pumpe) do okončanja ugovora, a za ponuđače iz Republika Srpska i Brčko distrikt BiH Obavještenje o važećoj cijeni.

### III MJESTO, ROK, NAČIN ISPORUKE I KVALITET ROBE

#### Član 8.

- (1) Dobavljač se obavezuje da će robu koja je predmet ovog Ugovora isporučiti Ugovornom organu **u roku 24 sata od prijema narudžbe, /pismenog zahtjeva i definisanih potreba/, DDP benzinska pumpa ul. Srđana Aleksića 1.**
- (2) Dobavljač će isporučivati, a Ugovorni organ preuzimati ugovorenu robu prema dispoziciji Ugovornog organa, a na temelju narudžbenice i pismenog zahtjeva za određenu količinu robe.
- (3) Dobavljač je dužan, čitavo vrijeme trajanja ugovora, da osigura prevoz do skladišta Ugovornog organa na lokacijama iz stava (1) ovog člana, te da uz svaku isporuku roba dostavi i odgovarajuću potvrdu (certifikat) o kvaliteti roba, koji izdaje nadležna institucija.
- (4) Dobavljač se obavezuje da prilikom isporuke roba koristi cisterne (prevozno sredstvo) koja mora imati važeći certifikat o kalibraciji, opremljenu sa elektronskim mjerilom za protok goriva i ispravnim crijevima za pretakanje goriva i pumpom za istakanje. U slučaju da se u toku pretakanja ustanovi propuštanje goriva na crijevu za pretakanje, Ugovorni organ ima pravo izvršiti obustavu istakanja i cisternu vratiti Dobavljaču. Svu štetu koja nastane na podlozi i drugim dijelovima objekta uzrokovanu propuštanjem crijeva i spojeva dobavljač je dužan sanirati o svom trošku. Prilikom isporuke goriva dobavljač će sa Ugovornim organom usaglasiti količinu primljene robe na otpremnici Dobavljača, po osnovu utvrđenog stanja ugrađenih mjernih sondi ili baždarene mjerne letve, što će se evidentirati i u zapisniku o prijemu robe.
- (5) Dobavljač se obavezuje da će gorivo koje je predmet isporuke biti kvalitete utvrđene važećim propisima o kvaliteti istog u Bosni i Hercegovini.
- (6) Dobavljač se obavezuje da će vršiti redovnu kontrolu kvalitete goriva kod ovlaštene laboratorije uz certifikat o izvršenoj analizi kvaliteta goriva.
- (7) Ugovorni organ ima pravo kontrole kvaliteta goriva putem ovlaštene laboratorije za kontrolu kvaliteta. Ukoliko se ustanovi da kvalitet isporučene robe nije u skladu sa propisanim standardom koji reguliše predmetnu oblast Ugovorni organ nije obavezan platiti isporučenu robu.

#### Član 9.

- (1) Kvalitativni i kvantitativni prijem robe iz ovog ugovora Ugovorni organ se obavezuje obaviti odmah po prijemu i istovaru robe. U slučaju da Ugovorni organ pri prijemu robe utvrdi da roba na bilo koji način ne zadovoljava, istu će odmah vratiti i tražiti isporuku nove u najkraćem mogućem roku.
- (2) U slučaju da Ugovorni organ naknadno utvrdi razliku u isporučenoj količini ili da roba nije original proizvod proizvođača kojeg je dobavljač naveo u ponudi Ugovorni organ će sačiniti komisijski zapisnik kojeg će najkasnije u roku tri dana dostaviti dobavljaču radi otklanjanja uočenog nedostatka.

#### IV ZAVRŠNE ODREDBE

##### Član 10.

Odredbe ovog Ugovora ne mogu se mijenjati nakon njegovog zaključivanja u pogledu vrijednosti ili maksimalnih količina navedenih u Tehničkim podacima i elementima ponude (Aneks 3).

##### Član 11.

Ukoliko dobavljač u toku realizacije ugovora o nabavci robe na bilo koji način neuredno ispunjava preuzete ugovorne obaveze, a naročito u pogledu utvrđenih rokova isporuke, kvaliteta i kvantiteta robe koja je predmet ovog ugovora, Ugovorni organ ima pravo aktivirati Garanciju za uredno izvršenje ugovora.

##### Član 12.

Sve eventualne sporove ugovorne strane će rješavati mirnim putem, a ukoliko to nije moguće za rješavanje spora nadležan je Općinski sud u Sarajevu.

##### Član 13.

Ovaj Ugovor o kupoprodaji stupa na snagu danom potpisivanja obje ugovorne strane.

##### Član 14.

Ugovor o kupoprodaji sačinjen je u četiri /4/ primjerka, od kojih ugovorni organ zadržava tri /3/, a dobavljač /1/ primjerak.

SUPOTPISNIK:

Salko Senović, dipl.ing.saob

Za DOBAVLJAČA

Direktor

Reko Muhović



Broj: 192-05-20

Datum: 23.05.20

Za UGOVORNI ORGAN

Generalni direktor

Jakub Kubur



Broj: 6497

Datum: 22-05-2020